



## Universitätsbibliothek Paderborn

**Dictamen Illustrissimi ac Reverendissimi P. Mag. Fr.  
Gabrielis Adarzo de Santander, Episcopi Viglevanensis,  
Ad Interrogata respondens Circa Exclusivam, quandoque  
à Principibus interpositam, ne ...**

**Adarzo, Gabriel**

**Frankfurt, 1660**

[§. I.] Dignus & dignior termini sunt respectivi. Sumuntur in ordine ad Ecclesiae utilitatem & indigentiam.

**urn:nbn:de:hbz:466:1-10517**

## §. I.

Dignus & dignior sunt termini respectivi: In nostro  
casu accipiuntur per ordinem ad Ecclesiae utilitatem, &  
indigentiam: Hæc non est semper eadem,  
sed variat;

**P**ro hujus ergo quæstionis resolutione, præmittere:  
oportet, quid sit, aliquem esse digniorem, seu  
magis dignum Pontificatus? Circa quod

2: Suppono digniorem in nostro casu esse vocem  
respectivam, non tantum per comparationem ad  
cæteros, vocem passivam habentes; sed etiam & præ-  
cipue per ordinem ad Ecclesiæ, ad cuius regimen  
est assumendus electus. Constat ex Concilio Trid.  
sess. 24. de reformat. cap. 1. ibi, nisi quos digniores, & Ecclesiæ  
utiles judicaverint &c. ubi major dignitas per ordinem  
ad majorem Ecclesiæ utilitatem meritur.

Est etiam expressa doctrina D. Thomæ 2. 2.  
quæst. 185. art. 3. in corpore, ibi, ille, qui debet aliquem eligere in  
Episcopum, vel de eo providere, non tenetur assumere meliorem  
simpliciter, sed meliorem quo ad regimen Ecclesiæ: Videatur  
Cajetanus ibidem.

Beatus etiam Augustinus de Ancona, in Sum-  
ma de-

ma de Ecclesia quæst. 47. art. 1. rogat, utrum possit  
eligi ad Prælaturam Ecclesiæ, nobilis, aut dives,  
ex ratione quæ dives, aut nobilis est, absque culpa  
acceptioñis personæ? & Respondet affirmativè,  
etiam si præferatur virtuoso & literato, dummodo tamen  
(inquit) nobilitas, & locupletio electi magis protunc conducat  
ad utilitatem Ecclesiæ.

Hac de causa honestantur Statuta de Beneficijs 3.  
patrimonialibus; ad quæ non admittuntur nisi vel  
naturales vel oriundi, cum tamen digniores possent  
inter exterios inveniri: & hæc statuta approbat D.  
Thomas 2.2. quæst. 63. art. 2. ad 4. Quem sequuntur  
plurimi, ut videre est apud Barbosam *in collect. ad cap.*  
*bonæ memorie 2. de postulat. num. 7. Et ad caput cùm decorem,*  
*de institut. num. 4. Et latissimè tom. 1. voto, decisivor. lib. 2. voto*  
*33. à n. 1. usque ad 11. exclusivè. Videatur Azor t. 2. lib. 6.*  
*cap. 4. quæst. 2 s. Ioannes Angelus Bosius tom. 1.*  
*titulo 7. de Benefic. s. 2. pertotum: D. Petrus Gon-*  
*zalez de Salcedo lib. 1. de leg. politicâ, cap. 5. Domi-*  
*nicus Soto, de just. lib. 3. quæst. 3. art. 2. ante 10. con-*  
*clusionem, dicit non solum esse conducentius*  
*Ecclesijs providere eis de naturalibus, sed etiam*  
*(addit.) quod in Tridentino ipso presente, fuit consultum ex*  
*codem motivo, super servanda ipsissima forma, circa beneficia*  
*curam animarum habentia. Videas quanti facienda*  
I 3 veniat

weniat Ecclesiæ utilitas, ut non aliter quis dignior sit judicandus, nisi per ordinem ad eam.

4 Similiter in illa quæstione, utrum debeat eligi in Pontificem dignior de sacro Collegio, an dignior de toto orbe; Respondent meliores Doctores, deberi eligi digniorem de sacro Collegio, reliquo digniore de toto orbe; redduntque rationem, quia magis dignus de Collegio, censetur dignior absolute ad Pontificatum, quam cæteri de toto orbe; eò præcisè, quod talis est utilior respectu Sanctæ Ecclesiæ, & ratio utilitatis consistit, tum quia ex his quæ vidit & egit in sacris consistorijs, benè novit negotia Ecclesiæ, quæ exterus præsumitur ignorare: tum etiam, quia electus de Conclave, statim applicat regimini manus: exterus autem non, cù msitavocandus à longè & exspectandus ejus consensus, & adventus Romam, in quo consumetur, immò perdetur multum temporis, quod esset perniciosum Ecclesiæ.

Videatur Aragon & Salón, quos Villalobos allegat & sequitur *tom. 2. tract. 8. num. 18.* consequenter ad ea, quæ dixerat numero 8. videlicet, quod major dignitas in eligendo debet metiri per ordinem ad majorem utilitatem Ecclesiæ.

*xiii.* Videndum est etiam B. Augustinus de Ancona,  
*1810* in Sum-

in Summa quæst. 3. art. 6. ubi resolvit pro magis digno de Consistorio, motus quinque rationibus respicientibus utilitatem Ecclesiæ.

Quiatamen Ecclesiæ indigentia non semp̄ est ea-  
dē, sed diversa pro temporum variatione. Aliquando enim indiget Pastore, qui à grege Christi doctrina  
Itipos exterminet, aliquando desiderat Principem,  
qui utrumque gladium verset, & patrimonium Eccle-  
siæ ab Usurpatoribus vindicet: & semp̄ Patrem fami-  
lias suspirat, qui Ecclesiæ Filios in pace & concor-  
dia servet: Similiter utilitas Ecclesiæ universalis  
non est eadem semper, sed varia pro temporum  
varietate:

Ex quo oritur, quod ad dignoscendum magis  
dignum hic & nunc, debeat attentè considerari  
status præsens Ecclesiæ: Hac de causa Doctores pru-  
dentiores cùm examinant illam quæstionem, An sci-  
licet Theologus, vel sacerorum Canonum Professor  
præferendus sit ad Episcopatum? Respondent sub  
distinctione: vel Ecclesia, cui est providendum,  
laborat erroribus & hæresibus, vel non? laborat,  
præferatur dignus Theologus Jurisperito digniore:  
si verò non laborat erroribus, sed litigijs & contro-  
versijs citra Religionem, in isto casu provideatur  
ei de Jurisperito idoneo, relicto Theologo digniore:  
ut la-

tat latè patet per Hostiensem & Abbatem *in cap. 1 de consanguinitate*: Reginaldum *lib. 30. tract. 3. cap. 14. num. 199.* Azorium, Rodriguez & Henriquez apud Barbosam *de potest. Episcop. p. 2. allegat. 1. num 30. & 31.*

## §. II.

*Proponitur præsens Status Ecclesiæ pro dignoscendo hic & nunc digniore.*

**C**onsideremus igitur qualis sit hoc anno 1655 Cincipiente Status Ecclesiæ universalis, qualisque ipsius major indigentia, ut juxta illam magis dignum pro summo Pontificatu inferamus.

Tota ardet bellis Europa ab hinc plus triginta annis: Audacia militum maximè Hæreticorum, Ecclesiæ non veretur. Templa diruit: Imagines evertit: Altaria prophanat. Virgines D E O Sacræ intra Monasterij mœnia non sunt securæ, ibi violantur, & inde, ut meretrizent, extrahuntur: Sed non mirum, quando Sacrosanctum Christi Corpus è custodiâ educitur: utinam non aliquando equis fuisset inter fœna projectum. Frequētantur rapinæ, incendia, adulteria, perjuria. Verba pro aliarum miseriarium expressione non suspectunt; declamet eas ac deploret Ægidius Viterviensis, qui oratione 1. in Concilio Generali Lateranensi, sub Julio II. sequentia de suo Sæculo dolet,